

REGLUGERÐ

um endurgreiðslu virðisaukaskatts til erlendra fyrirtækja.

1. gr.

Eftir ákvæðum reglugerðar þessarar geta erlend fyrirtæki fengið endurgreiddan þann virðisaukaskatt sem þau hafa greitt hér á landi vegna:

1. Kaupa, aðvinnslu, geymslu eða flutnings á vörum sem þau hafa vegna atvinnustarfsemi sinnar flutt úr landi í eigin nafni.
2. Viðgerða, uppsetningar, geymslu og flutnings á vélum og tækjum sem þau hafa selt hingað til lands, enda hafi kostnaður þessi verið reiknaður inn í tollverð við innflutning. Það telst erlent fyrirtæki í skilningi þessarar reglugerðar þegar fyrirtæki hefur hvorki búsetu né starfsstöð hér á landi.

2. gr.

Skilyrði endurgreiðslu samkvæmt 1. gr. eru:

1. Að virðisaukaskattur sem umsókn tekur til varði atvinnustarfsemi sem aðili rekur erlendis.
2. Að starfsemi hins erlenda fyrirtækis væri skráningarskyld samkvæmt lögum um virðisaukaskatt ef hún væri rekin hér á landi.
3. Að um sé að ræða virðisaukaskatt sem skráður aðili hér á landi gæti talið til innskatts eftir ákvæðum 15.–16. gr. laga nr. 50/1988, um virðisaukaskatt, með áorðnum breytingum.

3. gr.

Heimilt er erlendum aðila að fela umboðsmanni sínum að sækja um og taka við endurgreiðslu, enda leggi umboðsmaður fram skriflegt umboð þar um.

4. gr.

Sækja skal um endurgreiðslu á sérstöku eyðublaði sem ríkisskattstjóri lætur gera. Í umsókn skal umsækjandi skýra notkun þeirra aðfanga sem umsókn tekur til og lýsa því yfir að hafa ekki stundað skráningarskylda starfsemi hér á landi á því tímabili sem umsókn tekur til.

Með umsókn skal fylgja:

1. Frumrit sölureikninga þar sem fram kemur sá virðisaukaskattur sem umsækjandi hefur greitt. Þessi skjöl skulu endursend umsækjanda innan mánaðar frá móttöku.
2. Vottorð frá þar til bærum yfirvöldum í heimalandi umsækjanda þar sem fram kemur hvers konar atvinnurekstur hann hefur með höndum. Vottorð af þessu tagi gildir í eitt ár frá útgáfudegi og þarf ekki að senda nýtt vottorð við síðari umsókn innan gildistíma þess.

Auk gagna samkvæmt 2. mgr. skal útflutningsskýrsla, með áritun viðkomandi tollstjóra um að útflutningur hafi átt sér stað, fylgja umsókn sem varðar virðisaukaskatt vegna kaupa o.fl. á vörum sem fluttar hafa verið úr landi.

5. gr.

Umsókn um endurgreiðslu skal taka til virðisaukaskatts af kaupum vöru eða þjónustu á tímabili sem er minnst þrír samfelldir almanaksmánudir innan sama árs og mest eitt almanaksár. Endurgreiðslutímabil getur þó verið styttra ef það tekur til loka almanaksárs.

Varði umsókn heilt almanaksár eða eftirstöðvar almanaksárs skal fjárhæð virðisaukaskatts, sem sótt er um endurgreiðslu á, nema minnst 2 000 kr. Að öðrum kosti kemur ekki til endurgreiðslu nema fjárhæð virðisaukaskatts til endurgreiðslu nemi a.m.k. 15 000 kr.

Umsókn skal hafa borist í síðasta lagi sex mánuðum eftir lok þess almanaksárs sem umsóknin tekur til. Umsóknir sem berast síðar verða ekki teknar til greina.

6. gr.

Skattstjórinn í Reykjavík afgreiðir beiðnir um endurgreiðslu samkvæmt reglugerð þessari. Skattstjóri skal rannsaka endurgreiðslubeiðni og getur hann í því sambandi krafð umsækjanda og þá sem selt hafa umsækjanda vörur þær og þjónustu sem umsókn varðar nánari skýringa á viðskiptunum. Skattstjóri skal tilkynna ríkisfóhirði um samþykki sitt til endurgreiðslu. Ríkisfóhirðir annast útborgun samkvæmt reglugerð þessari.

Fullnægjandi umsóknir sem berast innan skilafrests og með réttum fylgigögnum skulu afgreiddar innan sex mánaða frá viðtöku umsóknarinnar.

Umsækjandi getur óskað eftir að fá endurgreiðslu hér á landi eða í heimalandi sínu. Ef umsækjandi óskar eftir að greiðsla fari fram í heimalandi hans, skal hann greiða allan kostnað sem af því hlýst.

7. gr.

Röng skýrslugjöf eða framlagning rangra eða villandi gagna, svo og röng upplýsingagjöf látni í té í því skyni að fá endurgreiðslu á virðisaukaskatti samkvæmt ákvæðum reglugerðar þessarar, varðar við 40. gr. laga nr. 50/1988, um virðisaukaskatt.

8. gr.

Reglugerð þessi er sett samkvæmt heimild í 3. mgr. 43. gr. laga nr. 50/1988, um virðisaukaskatt, með áorðnum breytingum, til að öðlast gildi þegar í stað. Endurgreiðsla samkvæmt ákvæðum reglugerðar þessarar er heimil vegna viðskipta frá 1. janúar 1990, enda sé sótt um endurgreiðslu innan tímamarka skv. 3. mgr. 5. gr.

Fjármálaráðuneytið, 23. maí 1991.

Friðrik Sophusson.

Kristján Gunnar Valdimarsson.

REGLUGERÐ

**um breytingu á reglugerð nr. 593/1987, um þungaskatt,
með síðari breytingum.**

1. gr.

1. gr. reglugerðarinnar, sbr. 1. gr. reglugerðar nr. 527/1990, orðist svo:
Greiða skal árlega þungaskatt af bifreiðum sem hér segir:

- a. Af bifreiðum sem nota annan orkugjafa en bensín og eru minni en 4000 kg að leyfðri heildarþyngd, öðrum en þeim bifreiðum sem ekið er gegn gjaldi samkvæmt mælum: